



UNIVERSITÄTS-
BIBLIOTHEK
PADERBORN

Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Cap. 4. Patrocinium D. Josephi omnium universalissimum.

urn:nbn:de:hbz:466:1-38500

Vide ad Divum Josephum , & bono animo esto ac certissimè confide, eva-
sisse te naufragium , non decriit tibi in
tribulatione : ostendens enim filio suo
& Matri callos & manus aspera, Mater
filio pectus & ubera, filius Patri latus &
vulnera, quomodo poterit esse repulsa
ubi tot concurrent amoris insignia ?

C A P U T I V .

*Patrocinium Divi Josephi
omnium universalissimum.*

DUXPLEX est differentia in-
ter Mariam & Iosephum hoc
sacrum par Conjugum , &
cæteros Sanctos quoad hanc
Patrocinii circumstantiam. Prima, est
quod ex his aliqui habeant sub protec-
tione suâ particulari certas aliquas
personas, alii hanc vel illam Familiam
seu Ordinem , alii hanc vel illam Ci-
vitatem , alii hanc vel illam Provin-
ciam , alii hoc vel istud Regnum , ita
ut extra illa vix cognoscantur , vel sal-
tem invocetur. Ait D. Iosephus & San-
cta Deipara omnes æqualiter comple-
ctuntur homines & nationes ab omni-
bus equaliter linguis invocatur, nec est
qui le abscindat à calore hujus vel istius.

II. Secunda est quod ut observavit An-
gelicus Doctor D. Thomas in quartum
Sentent. dist. 45. quest. 3. art. 2.
apud Carthaginam & Marchantium
adhuc supraadductos: *Quibusdam San-
ctis datum est in aliquibus præcipue causis
patrocinari, ut Sancto Antonio ad ignem,
Sancto Apollonie ad dolorem dentium,
Sancto Rocho ad pestem & sic de aliis.* Ait
Divo Iosepho concessum est æqualiter in
omnibus omnibus ad se configuerentes posse ju-
vare. Idem docet Sancta ac Seraphica
Mater Theresia, l. vitæ sua cap. 6. vi-
de infra cap. 6. sect. 2. num. 10.

III. Ratio hujus disparitatis sumitur ex
eo quod communiter docent Theolo-
gi & SS. Patres, quod scilicet quem-
admodum Sancti omnes sunt limitati
in meritis , & ita inter se diversi,
ut non inveniantur duo qui sint in om-
nibus similes , si quandoquidem glo-
ria & potestas quā perfruuntur in Cœ-
lis , commensuretur corum meritis in

terris , oportet etiam esse diversitatem
inter illos in gloriâ & potestate , quæ
fundatur in illis : juxta istud Ecclesi-
stici cap. 44. *Non est inventus similis
illi in gloriâ,* & ideò non est mirum si
sint limitati & determinati ad certas
personas , & ad certa negotia : sed
quoad Divum Josephum & Sanctam
Deiparam , sicut ipsi habuerunt exi-
stentes in terris plenitudinem gratiæ
illorum Sanctorum , ita etiam regnan-
tes in Cœlis , sunt à Deo constituti in
plenitudine potestatis & virtutis om-
nium : ut possint quidquid hic , quid-
quid iste , quidquid ille , & adhuc am-
plius , quia possunt quicquid omnes &
singuli.

Igitur Patrocinium Divi Josephi
tertiò & ultimò in hoc iterum superat
Patrocinium aliorum Sanctorum , quod
sit universalis quocumque Patroci-
nio illorum : idque duobus modis :
Primo , quia extendit se ad plures per-
sonas : Secundo , quia ad plures cau-
sus , ad plura negotia ,

Quoad primum pater , quia alii San-
cti aliquorum tantum , hic omnium
in se causam suscepit : Hinc ipse
non Imperio tantum aut in Europâ
nostrâ super omnes etiam celebriores
celebris , sed omnes quotquot sub
utroque Polo degunt Fideles , ut
Sponsæ ejus , ita illius Clientelam ze-
loissimè hodie affectant. Hinc Apo-
stoli novæ Franciæ Missionum suarum
fructum & successum illi se debere
facentur , patratis ibi innumeris ipsius
nomine invocato miraculis. Hinc in
Oriente nomen ejus ubique adeò ce-
lebre. Hinc in Americâ Urbes & Re-
giones integræ relictis antiquis suis no-
minibus , ab ipso appellationem no-
vam , cum novâ Religione novisque
moribus , fortitæ : ut scribunt illi qui
ex ipsis plagiis ad nos remeavere.

Quoad secundum , quod scilicet
Patrocinium Divi Iosephi universalis
sit quocumque Patrocinio aliorum San-
ctorum quoad causas & negotia ad
qua se extendit , pater etiam eviden-
tissimè quia hi in hac , isti in istâ , illi
in illâ materiâ præcipue suis suffragan-
tur Clientibus , Divus Iosephus vero in
omnibus æqualiter sine exceptione aut
limitatione. Res hæc clarissima est in

CCCC 2

est. 2

IV.

V L

effectibus & miraculis, quæ Deus ad illius invocationem ubique gentium in favorem Clientum suorum ad eum piè & fiducialiter recurrentium operatus est, & passim leguntur apud probatæ fidei Authores: quæ proinde hic coacervare esset supervacaneum, si tamen fieri posset, quod non crediderim, quis enim eorum numerus? & quis omnes liberos habet? aut omnia quæ in dies ubique gentium sunt & facta sunt novissime potest? quot denique facta sunt quæ non sunt scripta? aut quæ etiam tacita sunt à malè verecundis? vel silentio obruta ab in gratis?

VII. Itaque hic non singula generum referam, sed solum genera singularum delibabo, ex quibus Lector Cordatus, sentiet sibi satisfactum & se fatebitur de hac veritate abundè convictum. Et primò quidem cum anima potior sit quam corpus, & in favoribus corporalibus Sancti principaliter respiciant ad bonum animæ, ideo primò de favoribus qui respiciunt animam, & deinde de illis qui respiciunt corpus.

VIII. Pro anima, primò de ipsis auxilio pro spiritualibus & signanter pro conversione corum qui erant in statu peccati: Secundò, de auxilio per ipsum præstito contra tentationes & pericula cadendi in peccatum. Terriò, de ipsis auxilio pro acquirendis virtutibus & perfectione. Pro corpore, de miraculis exterioribus & corporalibus ex omni genere aliqua ordinatè per Classes.

C A P U T V.

Patrocinium Divi Josephi in spiritualibus & signanter in conversione eorum qui erant in statu peccati.

I. **P**ECCATUM mortale ideo dicitur mortale, quia est mors spiritualis animæ: privat enim ipsam Deo seu gratiæ ejus, quæ est vita illius spiritualis: peccata vero venialia imperfectiones

mali habitus, passiones indomitæ, vocantur à nobis, & revera sunt tantum infirmitates, seu morbi spirituales animæ, quia stare possunt, & stant de facto cum gratiâ Dei: periculosi sunt tamen, quia ut morbi corporales alias curabiles, si negligantur, sunt sapè mortales, ita & peccata venialia, & mali habitus, & passiones negligentes, mortem animæ adducunt: contra utrumque efficacissimum esse Divi Josephi patrocinium, licet constet ex rationibus in præcedentibus tactis, idipsum tamen probemus adhuc exemplis, seu ab effectibus.

SECTIO PRIMA.

Patrocinium Divi Josephi in conversione eorum qui erant in peccato mortali.

Liberari à peccato mortali quantum sit favor, quis benè estimare aut explicare poterit? impossibile est nisi ab eo qui benè experderit, quam sit ille miser qui est in peccato mortali invisus Deo.

Porrò ut hoc benè percipiatur tria potissimum expendenda sunt: Primum, quid sit peccatum mortale? Secundum, quæ poena ei debita? scilicet eterna, & quam illa justa? Tertium, quam lubrica vita à qua pender ista Æternitas?

Pro primo: Notandum Deum habere in hominem duplex dominum, proprietatis unum, jurisdictionis alterum: Primum ei competit ex hoc quod eum sicut cætera creavit: quid enim magis propriū aliquam opus suum opifici, si ab illo ut ars, ita sit & materies? ac deinde ex hoc quod illum indesinenter influendo conservet, in ipso enim vivimus, moveamur & sumus, inquiebat Athenis Apostolus, Act. cap. 17. vers. 28. Neque enim sicut structuram Edium cum fabricaverit quis abscedit, atque illo cessante & abscedente stat opus ejus, ita mundus vel iœtu oculi stare poterit, si Deus ei regimen sui substraxerit, inquit D. Augustinus lib.